

LEIÐARLJÓS FRÍSTUNDASTARFS Í HÚNAÞINGI VESTRA

Að bjóða öllum börnum þátttöku í fjölbreyttu frístunda- og tómstundastarfi án aðgreiningar með það að markmiði að efla sjálfstraust og félagsfærni þeirra.

Umhverfi starfsins einkennist af öryggi, fagmennsku og virðingu þar sem jákvæð samskipti og lýðræðislegir starfshættir eru í hávegum hafðir í samræmi við Barnasáttmála Sameinuðu þjóðanna.

BÖRNIN Í FRÍSTUNDASTARFI

- Börnum líður vel og eru örugg, heilbrigð og glöð
 - Í frístundastarfinu finna börn til öryggis í öllu starfi
 - Í frístundastarfinu er unnið gegn andfélagslegri hegðun í hverju svo sem hún kann að birtast svo sem einelti, öðru ofbeldi, niðurlægingu og kynbundinni og annars konar mismunun til að tryggja almenna velferð barna
 - frístundastarfinu er hlúð að börnum í samræmi við þarfir og þroska hvers og eins svo að börnin fái notið bernsku sinnar
- Börnin hafa sterka sjálfsmynd og félagsfærni
 - Í frístundastarfinu er unnið að því að rækta hæfileika barna til tjáningar og sköpunar í þeim tilgangi að styrkja sjálfsmynd þeirra og samskiptahæfni
 - Jafnrétti er lykilþáttur í öllu starfi þannig að allir fái að njóta sín á eigin forsendum í samfélagi gagnkvæmrar virðingar án mismununar
 - Í frístundastarfinu fá börnin tækifæri til að skiptast á skoðunum við önnur börn og fullorðna, miðla málum og finna sameiginlegar lausnir
- Börnin eru virkir þátttakendur og hafa jöfn tækifæri til að hafa áhrif á starfið og aðstæður
 - Leitað er eftir sjónarmiðum barna þegar teknar eru ákvarðanir um starfið
 - Frjálsum leik barna er gefið gott svigrúm
 - Börnin hafa daglega val um fjölbreytt og ögrandi viðfangsefni og taka þátt í að móta þau í samstarfi við starfsfólk
- Börnin eru áhugasöm um starfið og styrkur þeirra fær að njóta sín
 - Starfið tekur mið af aldri og þroska barna
 - Í frístundastarfinu er lögð áhersla á styrk barna og áhuga

- Börn sýna áhuga á því að sækja frístund

STARFSHÆTTIR OG VIÐFANGSEFNI

- Virkt samstarf er við foreldra, skóla, íþrótt- og æskulýðsfélög og aðra í Húnaþingi vestra
 - Forstöðumaður leitar virks samráðs við skólastjóra, starfsfólk skóla, foreldra, forstöðumenn íþrótt- og æskulýðsfélaga og tónlistarskóla um sameiginleg málefni
 - Foreldrar eru ánægðir með viðfangsefni barnanna
 - Foreldrar eru ánægðir með samskiptin við starfsfólk
- Starfsumhverfið er án aðgreiningar og einkennist af hlýju, öryggi og virðingu
 - Fullt aðgengi er fyrir öll börn að starfinu
 - Sérhvert barn tekur þátt í dagskrá og nýtur samveru með öllum börnum
 - Börn fá viðeigandi stuðning við allt starf
- Viðfangsefnin eru fjölbreytt og skapandi og mótast af áhuga barna og þroska þeirra
 - Börnin eru hvött til að vera forvitin og takast á við fjölbreytt og krefjandi verkefni, þar sem náttúra og nærumhverfi eru nýtt sem vettvangur leiks og starfs
 - Boðið er upp á smíðjur og fræðslu um tiltekin málefni, þar sem áhersla er lögð á skapandi starf og listsköpun
 - Útivera og viðburðir eru reglubundnir þættir í frístundastarfinu
- Lýðræðislegir starfshættir, frumkvæði barna, val og frjáls leikur eru ríkjandi
 - Skipulega er unnið með lýðræði í starfi með börnunum
 - Börnin eru hvött til að koma með eigin hugmyndir að viðfangsefnum og þau studd í útfærslu og framkvæmd þeirra
 - Börn eru hvött til að tjá skoðanir sínar á markvissan og uppbyggilegan hátt

MANNAUÐUR OG FAGLEGT STARF

- Húnaþing vestra mótar stefnu um frístund í menntastefnu og stuðlar að fagþróun starfsins

- Grunnskólinn veitir viðeigandi fræðslu til nýrra starfsmanna frístundar, hvetur til og skapar aðstæður til starfsþróunar
- Grunnskólinn stuðlar að þróun og nýbreytni í samstarfi við hagsmunaaðila; börnin, foreldra, starfsfólk og grenndarsamfélagið
- Grunnskólinn stendur fyrir mati á starfsemi frístundar
- Uppeldismenntaður forstöðumaður stýrir starfseminni og veitir faglega forystu
 - Forstöðumaður hefur forystu um mótun frístundastarfsins og leitast við að innleiða faglega starfshætti
 - Við ráðningar skal liggja fyrir sakavottorð, sem snýr að ofbeldi eða misnotkun eða heimild forstöðumanns til að afla upplýsinga úr sakaskrá
 - Forstöðumaður virkjar starfsfólk, börn og aðra hagsmunaaðila við mótun þjónustunnar
- Starfsfólk er hæft og hefur frumkvæði að því að nýta áhugamál sín og þekkingu í starfi
 - Starfsfólk tryggir börnunum fjölbreytt og uppbyggileg viðfangsefni
 - Starfsfólk er ánægt í starfi og telur hæfni sína og þekkingu vel nýtt
 - Starfsfólk vinnur saman að útfærslu viðfangsefna
- Starfsfólk er jákvætt í samskiptum og kemur fram við öll börn af virðingu og umhyggju
 - Starfsfólk kemur vel til móts við þarfir einstakra barna þannig að margbreytileiki í barnahópnum nýtur sín
 - Samskipti starfsfólks við börnin og hvert annað einkennast af umhyggjusemi, þolinmæði og lausnarmiðun
 - Starfsfólk hrósar og hvetur hvert annað og börnin

BJARGIR OG SKIPULAG

- Skilvirk upplýsinga- og samskiptatækni styður við starfsemina á fjölbreyttan hátt
 - Grunnskólinn veitir viðeigandi fræðslu til nýrra starfsmanna frístundar, hvetur til og skapar aðstæður til starfsþróunar. Í frístund er sími og nettengdur búnaður
 - Upplýsingar um frístund á heimasíðu grunnskólans inniheldur réttar grunnupplýsingar um starfsemina, er virkur og uppfærður reglulega
 - Upplýsinga- og samskiptatækni er nýtt til samstarfs við foreldra og ýmsa samstarfsaðila

- Starfsemin er skipulögð, opnunartími og dagskipulag eru sýnileg og kynnt börnum, foreldrum og helstu samstarfsaðilum
 - Grunnskólinn setur fram skýr viðmið um fjölda barna á hvern starfsmann og lágmarksstærð rýmis á hvert barn
 - Skipulag starfseminnar, samstarf aðila, og verkaskipting starfsfólks eru skýr og kynnt og endurmetin reglulega út frá þörfum barnsins
 - Tekið er á móti börnum og þau kvödd með skipulögðum hætti, þannig að ljóst sé hve mörg börn eru í frístundinni hverju sinni
- Húsnæði og útileiksvæði eru örugg og taka mið af forsendum frístundastarfs, jöfnum tækifærum og ólíkum þörfum allra barna
 - Húsnæði frístundaheimilis og útileiksvæði uppfylla þær kröfur sem gerðar eru í lögum um grunnskóla og lögum um vinnuvernd
 - Skipulag húsnæðis og útileiksvæðis gerir ráð fyrir ólíkum viðfangsefnum barna
 - Aðgengi að húsnæði hentar öllum, hvort sem er innan veggja þess eða útileiksvæði hentar öllum
- Úrval af efniviði og búnaði er til staðar sem höfðar til mismunandi áhugasviðs barna og mætir þörfum þeirra óháð aldri og þroska
 - Fjölbreytt úrval af vistvænum og öruggum efniviði er til staðar
 - Efniviður og búnaður er yfirfarinn reglulega og endurnýjaður eftir þörfum
 - Nærumhverfi frístundaheimilis er nýtt til þess að mæta áhuga, forvitni og áskorunum barna